

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“ broj: 12/03, 34/03 i 65/13) i tačke I Odluke o raspisivanju javnog konkursa, postupku i utvrđivanju uslova i kriterija za imenovanje direktora Upravne organizacije Zavod za urbanizam Grada Tuzla, broj: 02/30-A-005207-2023 od 27.3.2023. godine, Gradonačelnik Grada Tuzla objavljuje

JAVNI KONKURS
za imenovanje direktora Upravne organizacije
Zavod za urbanizam Grada Tuzla

I. Naziv pozicije:

Direktor Upravne organizacije Zavod za urbanizam Grada Tuzla - 1 (jedan) izvršilac (u daljem tekstu: direktor Zavoda).

Imenovanje direktora Zavoda vrši se na period od 5 (pet) godina.

II. Opis pozicije:

Opis pozicije direktora Zavoda:

- neposredno rukovodi radom upravne organizacije,
- organizuje izvršenje svih poslova i zadataka iz nadležnosti upravne organizacije,
- raspoređuje poslove na državne službenike i namještenike i daje im upute o načinu vršenja tih poslova,
- osigurava i odgovoran je za zakonito i blagovremeno izvršenje poslova i zadataka iz nadležnosti upravne organizacije,
- obavlja poslove identifikacije i procjene rizika koji utječu na poslovne procese iz nadležnosti Upravne organizacije, izvještava i predlaže rješenja u ovoj oblasti,
- organizuje i rukovodi izradom plana rada, te organizuje i koordinira izradu godišnjih operativnih izvještaja o radu Zavoda,
- prisustvuje sjednicama Kolegija Gradonačelnika i Gradskog vijeća u svojstvu obrađivača akata iz nadležnosti upravne organizacije,
- redovno upoznaje Gradonačelnika o stanju i problemima u vezi sa vršenjem poslova iz nadležnosti upravne organizacije i predlaže preduzimanje potrebnih mjera,
- izvršava poslove po nalogu Gradonačelnika,
- odlučuje o pitanjima za koje je ovlašten posebnim rješenjem Gradonačelnika,
- vrši kontrolu korištenja finansijskih, materijalnih i ljudskih potencijala dodijeljenih upravnoj organizaciji,
- organizuje poslove oko izrade općih i pojedinačnih akata iz nadležnosti upravne organizacije,
- organizuje planiranje poslova i izradu programa rada i dinamika izvršenja radnih zadataka,
- organizuje provođenje i primjenu zakonskih propisa u oblasti prostornog planiranja, urbanizma, programiranja, projektovanja,
- organizuje izradu razvojnih i detaljnih planova u saradnji sa nosiocem pripreme,
- u saradnji sa nosiocem pripreme koordinira rad planiranja, daje opredjeljenja o dokumentaciji istraživanja kao podlozi za izradu planova, razrješava nastale dileme nakon uključivanje javnosti i revizije dokumentacije,
- uključivanje na izradi programa i plana aktivnosti za pripremu i izradu dokumenata prostornog uređenja,

- obavlja i druge poslove po nalogu Gradonačelnika iz djelokruga rada upravne organizacije.

III. Opći uslovi:

Kandidati za imenovanje na dužnost direktora Zavoda moraju ispunjavati sljedeće opće uslove:

- da su državljani Bosne i Hercegovine,
- da su stariji od 18 godina ali ne stariji od 65 godina,
- da su zdravstveno sposobni za obavljanje posla za koji se kandiduju,
- da nisu otpušteni iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije objavljivanja upražnjene pozicije,
- da se protiv njih ne vodi krivični postupak,
- da nisu osuđivani za krivično djelo ili privredni prijestup, koji predstavlja smetnju za imenovanje na upražnjenu poziciju, u roku od pet godina od dana izdržane, izvršene, zastarjele ili oprostene kazne,
- da im odlukom suda nije zabranjeno imenovanje na dužnost direktora Zavoda,
- da se na njih ne odnosi član IX.1. Ustava Bosne i Hercegovine,
- da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u organima vlasti Federacije BiH („Službene novine Federacije BiH“ broj: 70/08).

IV. Posebni uslovi:

Pored općih uslova, kandidati za direktora Zavoda moraju ispunjavati i sljedeće posebne uslove:

- VSS/VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja koji se vrednuje sa najmanje 240 ECTS bodova – arhitektonske struke,
- položen stručni ispit,
- položen stručni ispit u struci,
- najmanje 5 (pet) godina radnog staža u struci nakon završene visoke stručne spreme.

V. Spisak potrebnih dokumenata:

Kandidati su dužni uz prijavu, koja sadrži kraću biografiju, adresu i kontakt-telefon, priložiti sljedeću dokumentaciju:

- izvod iz matične knjige rođenih,
- uvjerenje o državljanstvu,
- diplomu o završenom fakultetu,
- uvjerenje o položenom stručnom ispitu,
- uvjerenje o položenom stručnom ispitu u struci,
- uvjerenje o radnom iskustvu iz tačke IV. alineja 4. ovog oglasa,
- ovjerenu izjavu kandidata o ispunjavanju uvjeta iz tačke III. alineja 4., 5., 6., 7., 8. i 9. ovog oglasa.

Dokumenti koji se prilažu uz prijavu moraju biti u originalu ili ovjerenoj fotokopiji.

Kandidat koji bude imenovan na poziciju direktora Zavoda dužan je prije stupanja na dužnost priložiti uvjerenje o zdravstvenoj sposobnosti za obavljanje dužnosti na koju je imenovan.

VI. Ostale napomene:

Svi kandidati koji budu ispunjavali opće i posebne uslove bit će pozvani na intervju.

Prije intervjua kandidati su dužni dati podatke o ranijim rukovodiocima od kojih se mogu dobiti preporuke ili informacije o kandidatu i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju njihovog imenovanja.

VII. Rok i mjesto za podnošenje prijava:

Prijavu na javni konkurs sa dokazima o ispunjavanju uslova dostaviti u roku od 15 (petnaest) dana od dana objavljivanja javnog konkursa u „Službenim novinama Federacije BiH“ i dnevnom listu „Večernji list“ Mostar, računajući od dana posljednje objave.

Prijave na oglas dostaviti isključivo preporučenom pošiljkom putem pošte, na adresu:

GRAD TUZLA - Stručna služba za poslove gradonačelnika -
Ulica ZAVNOBIH-a broj 11,

sa naznakom:

**„Prijava na Javni konkurs za imenovanje direktora Upravne organizacije
Zavod za urbanizam Grada Tuzla“
/ NE OTVARAJ /**

Na poledini pošiljke (koverte) obavezno naznačiti prezime, ime i adresu.
Nepotpune i neblagovremene prijave neće biti uzete u razmatranje.